

頻

羅

庵

遺

集

頻羅庵遺集總目

詩三卷

集杜二卷

文四卷

題跋四卷

直語補證一卷

日貫齋塗說一卷

筆史一卷

頻羅庵遺集卷一

錢唐梁同書

詩一

周西陳登第後銓分畿輔將引疾告歸因用旅寓  
述懷元韻四篇奉贈并以錄別

名場廿載壓韋蕭壯志今看慰寂寥君自龍蛇仍澗壑  
我慚雞犬亦雲霄漫投爨下焦桐尾小試花前挂綬腰  
莫怪揚州殊邑邑比量平澤定誰驍

一縑未辦駕柴車徑向江頭作老漁愛熱始知真是拙  
談書畢竟未全疎斗升豈足羈何須旌節無煩下李璵  
猶有故人愁遠道輸君從此反常閭

指孫柳樊  
山右之游

頻羅庵遺集卷一

漫說門庭聚鄆鄆一枝遠寄未謀安邱公祇爲縱橫慣  
溫老終因逋峭難樹蓄泉棲空自量蜨嘲鴟嚇任相干  
生平我亦同嵇懶幸免相逢割席看

豈期身世隱蓬菅謝病端知是愛閒久客賣文空薦馬  
長飢乞米更書顏由來造物偏兒戲笑說求官亦老慳  
萍聚天涯渾不易長歌痛飲定能嫻

西隄將之官直隸又疊前韻送之

底須辛苦歎焦蕭世事榮枯付沕寥几案才原歸大雅  
宰官身本現浮霄亦知無地堪投足且自從人暫折腰  
一曲驪歌正愁絕眼看征馬又驍驍

長遣奴星結柳車家貧生計似樵漁名知毛義爲親出  
誰識嵇康與世疎未必方員便鑿柄何妨磨涅是璠璣  
石湖詩涅磨無改是璠璣三遷試擬閒居賦絲竹升軒勝倚閭

鳴琴甞爾學邯鄲棊局全憑後著安得路羽毛爭比健  
謀身梁稻豈真難捕鷃一任窮騏驥補履何曾挫莫干  
却笑搥車空寂寂彤駟贏得道旁看

官曹誰說是荆菅宦海浮漚總等閒手板脚鞢今日夢  
隱囊紗帽去時顏山資足矣歸宜早鶴料多乎意本慳  
遙指江梅詩興動使君春事一番嬾

王穀原旣用西陳旅寓述懷韻見贈旋移寓汪司

空第又疊前韻四首畱別做齋因依數奉答

荒齋一榻愧題蕭幸得相逢破鬱寥獻賦揚雄猶執戟  
裁書王旦本凌霄詩斑未苦三千丈鶴夢空驚十萬腰  
一蹙青雲須自造官同駑馬漫爭驍

待詔來隨計吏車此身未許狎樵漁名材官爲風塵誤  
駿骨翻疑遇合疎却要酒杯澆魂壘何妨布褐被璠璣  
明年鶴髮春爭健好補華筌傍芷閭

其明年尊甫先生八十初度穀原擬

假歸爲壽

人間萬事等邯鄲離合都憑一夢安踪跡絮泥飛又定  
謂予此次羈情懷燕鴈聚偏難

柳樊西廡或就館或畱殊出意外之官皆一時散去

年

來其宅虛周北

戊辰庚午辛未西  
隙俱下榻敝齋

此後論詩有老于只

尺莫同千里遠新篇次第爲傳看

寒風獵獵響霜官賓閣遙知麈尾閒貝葉樟皮皆慧業

穀原嘗手  
寫金剛經

離騷美酒稱清顏壁間有句曹邦陋

子和西  
隙四首

穀原特疥  
其寓壁

耳畔無人魯語慳

聞新寓無一鄉  
人故用石湖語

慙愧輾轡

頻下汲拈來競病揔輸嫻

癸酉六月十三日雨後注水二甕以施耦堂所遺

龍井芽淪之餉客適徐水篆送湖州筍脯至遂出

以供茗飲同用東坡試院煎茶韻紀其事

睡龍欲醒長風生萬个銀竹排檐鳴主人好事急展庭

際幔仿佛匹練倒注飛流輕不要中冷惠山品一二獨  
許吾曹知此意活火應須石炭煎龍芽如啜故山泉君  
不見醉吟翁有人寄茶自西蜀七字詩成瀉珠玉又不  
見甫里先生常忍飢置園顧渚之山眉何來剝啄遺我  
玉版筍開緘一笑猶有煙霞隨嗟乎熊魚自古不兼得  
况乃插腳十丈輭紅塵土時

臘月三日病中同耦堂圍爐煮雪用尖义韻二首  
頭番騰雪試纖纖乞與詩腸鬪苦嚴客爲深添商陸火  
僅分滿掬水精鹽清堆細浪遲魚眼風押輕煙亞雀檐  
只有病夫籠手坐如槌十指怕舒尖



長夜驚栖似凍鴟耳邊默數過門車浮生始悟湯中雪  
幻境真成乳面花冰樣頭銜殊稱我病餘風味况離家  
吟成自揭窻櫺看庭樹分張玉畫叉

病不能寐枕上雜成八首仍疊前韻

經旬閣筆退鋒纖况是蘇家律更嚴彊韻漫思拈去病  
苦吟應笑刻無鹽閒聽似策風鳴鼎愁對如梳月挂檐  
莫說年來衾鐵慣峭寒不奈五更尖

愈疾何須有四牙重煩問訊故人車一九正藉消摩藥

時陸明溪  
惠九藥

丈室誰持供養花點勘誤書成小適安排難

字愧方家朝來且喜風霾靜向日簾櫳且倩叉

坐久渾忘月色纖  
蓼蓼街鼓又三嚴  
愁來大好親書卷  
貧到無煩計米鹽  
此日閉門成却軌  
幾時炙背罷巡檐  
自憐疎懶生來慣  
怕說頭顱似筆尖

人海黃塵似鬪鷄  
雞栖一半出無車  
故園已過開爐節

京國重逢撒佛花  
清水灣頭閒釣艇

憶與柳樊舊事

白雲深處

護僧家

白雲堂天竺恒上人方丈也

眼前舊雨能來否  
自有青銅付

畫義

纔添日腳縷痕纖  
靜裏消磨老與嚴  
禪悅情懷隨粥飯  
病閒時節樂齏鹽  
自從雪意烘晴晝  
便有禽聲到畫檐  
準擬出門騎馬去  
西山一角擁青尖

世緣擾擾漫查牙何日還乘薄笨車未礙多情夢春草  
祇慚無語頌梅花人從塵海來爲客我自明湖舊有家  
若許漁師江上住歸途誰畏遠三叉

帶圍減却笑腰纖病覺寒威逼歲嚴近事休文唯數米  
向來相邁不堪鹽破煩欲致茶千斛貪睡常過日半檐  
眼底殘年看又了春風番次破花尖

右臂偏枯字點鴟絕憐癱坐類泥車衣塵費浣愁萱艸  
足力禁寒護荻花書債隔年猶積校詩魔撩睡不成家  
如今學得慵方法白晝何須守野叉

冬閨用唐女史光威裏聯句韻

頻羅庵遺集卷一

五

貼梅妝閣寒銷九咏絮庭階句占三銀蒜押來沈翠幕

雪花煎處點紅衫

用東坡雪中夢美人煎茶事

錦囊旖旎螭連佩簫

局玲瓏鳳倒銜身裏重綿肥似婢天生壯髮美于男剪

刀罷弄休嫌怯衣袖障風不是慙鳧藻深溫情脈脈蟲

釵輕顫話喃喃慵添日綫先拋繡笑折冰條可耐簪凍

暈烘潮餘醉在春尖蹙黛爲愁舍無題好補冬郎賸

香奩

集無冬閨

低唱難教學士諳煖玉作圍呼伴賭澀簫頻炙晴

君叅漫拈樵悴醺醺脂莫擘酸辛桂海甘最是惱人消

息斷去鴻隔歲返江南

臘八日喫粥同人集味初齋限八字

節物屆嘉平風景逾清察客舍靜作緣寧判塵與剝我  
聞搃持園水湛浴池八布以淨妙華濯此無垢圻吾曹  
苦俗纏歲晚事澡刷酒人三五來著屐不用轄暖寒野  
外供冷淡方內恕自稱病維摩經句厭烹殺壓藥趁小  
殮一噉如餓鶻莫嫌惡客同米汁不解嚼喜飲癖過蘇  
頗欲逞獐狷須臾燭施墮溼墨座飛札微意各有叅慧  
業皆獨拔嗟予舌井枯細聲類嘲哂安得寶金鑊頓使  
病膜刮爲我揖故人應懺詩語黠

楊誠齋詩詩人只  
言黠犯之取飢寒

耦堂移寓孫宅詩以代簡卽用尖義韻

心朋結託謝塵纖莫漫相逢禮數嚴聚散略如鴻印雪

年華又見蝶飛鹽

梁簡文雪詩  
粉蝶亂飛鹽

檄能愈疾添題壁詩欲

尋醫數遶檐聞說西山閒特甚

施肩吾  
號西山

寒髭日斷幾莖

尖

文藝基書互犬牙一時將去壓輕車酸風送客頻吹薺

急雪催詩特舞花土室長懸徐孺榻岸舟今指晉平家

開所居  
舟屋

枯腸餞歲慙新句預約蔬盤試八义

除夕約  
過敝齋

祀竈日

僂指京華住重看竈帝迎餅無請鄰酒盤有戲兒飭貧

豈因人熱愁多為病攬殘年催節物臘鼓聽聲聲

病中謝金圃惠贈地黃鹿脯并系以詩即依韻報

謝

一檄飛來玉籍仙，頓教宿疾脫塵緣。破除世上熊羆食，

分養山中草木年。長慶清吟難屬和，

香山有採地黃者詩

孝威儷

句更誰傳

梁劉孝威有謝鹿脯啓

憐予風雪關門坐，擬待春燈訪

竹邊

除夕

珍重長筵樺燭遲，閒情收拾付紅絲。懶教夜半求如願，  
笑看燈前拜阿宜。一輩晨昏萊子夢，兩年兄弟杜陵詩。  
無多殘臘堂堂去，又耐寒風著意吹。

甲戌正月六日喜耦堂過味初齋畱宿并讀除夕

詩甚佳卽用其韻

朋話宵分續天寒  
臍未辭約開松葉酒  
先試草堂詩  
原  
子貧兼病沈郎狂  
勝癡不嫌塵榻浣  
襪被更深期

人日同耦堂冲泉弟分韻得二蕭

良辰何處撰逍遙  
病後情懷特地饒  
已覺輕寒催短臍  
不愁微雨暗連朝  
艸堂賭飲聊三葉  
梅信探春定幾椒  
取次閒街騎馬出  
試燈風裏聽傷簫

元夕前門觀燈口占四首

細馬輕車巷陌騰  
好春又是一番增  
今宵閒殺團團月  
多少游人只看燈



東風此日太豪奢  
花底吹笙隔絳紗  
芍藥牡丹無分見  
砂碓兒裏看梨花

人海中間是樂棚  
琉璃千點火珠明  
金吾抵死催人去  
夜半天街打五更

市門幾處鬱嵯峨  
踏月人歸緩緩歌  
紙鼓銅鑼兒女戲  
一分春色太平多

題張弓一問津圖

烏篷前日渡江新  
却向仙源暫息塵  
翻破長歌韓十八  
世間星漢尚通津

莫言渡口迴迴舟  
徑逐漁郎一度游  
只恐春風關不住

桃花依舊出山流

題新安汪氏雙節傳後

閩中有完人保家如保國當其屯難時所重在祖德兩  
公死王事身首投異域死者不復生旣死尚求食卓哉  
戴與吳誓死不可得大義稱未亡甞勉視弱息寧彈別  
鵠操莫化望夫石至今碧血枯凜凜雙溪側溪水鎮長  
流雙節無時泐

戴孟岑移居前街有園林之勝炎晝無事常過茶  
話口占二絕句

一拳瘦石半弓苔如此幽栖亦快哉却怪鄰居襍穢子

亂蟬聲裏打門來

退食歸來淨客塵  
隱囊紗帽足閒身  
分明亭角陳居士

不是持螯臥壚人

時孟岑  
官吏部

過孟岑雙梧亭納涼有作

吾友客京華  
工壑有深痼  
僦屋城南居  
賞心於此遇  
門前野逕荒  
階下瘦石布  
亭亭雙青桐  
大葉蔽苔路  
我方苦鬱蒸  
有若積薪厝  
暢好同巷人  
相攜踏芒屨  
到門誰主賓  
入坐忘觸迂  
據梧作冥搜  
擊枝出健句  
新蟬時一聲  
戛然起解悟  
吾家老茅屋  
十畝臨江步  
桐乳垂清泠  
桐花不知數  
至今廿載餘  
鄰翁指蔬圃  
人生受塵縛  
坐

使軟紅污安得靜者便而向此間住卽如日莫歸夢想  
在嘉樹猶餘兩腋風已隔三里霧明日當重來煩君理  
茶具

題畫綠牡丹

誰翦秋江淨碧痕溼雲飛上鬢眉根當年金谷樓頭見  
小筆生香爲返魂

種竹用漁洋山人移竹韻

古人嘗鼎味盡於一臠肉我作如是觀三竿兩竿竹庭  
前琅玕青倩君聊解俗丁寧了角奴保護如頭目便有  
借看人足音到空谷長使伴此君人間無炎燭

倪袖初遇味初齋見種竹拙句援筆輒成二首因  
用前韻賦謝

君詩韶濩音味勝令忘肉灑灑落筆時胸自具成竹何  
幸青一枋品題出塵俗吾州東南美千畝在天目脩篁  
蔽幽禽綠淨光滿谷笑看籬下枝森森如列燭

爲雙梧亭主人種竹再用前韻二首

平生耐尋游如嚼脣門肉我欲看竹來爲君先補竹主  
人北窗下樹石頗離俗乞此青丈夫秀潤到眉目爲語  
雙桐君訂交在山谷我亦喜得鄰鑿壁倩分燭

種樹覓桃橙愧彼凡眼肉不然杜陵翁胡爲斬惡竹竹

固未可嫌奈竹不諧俗置之巖石間端欲避拙目善保  
歲寒姿無爲怨乾谷此意誰共知明月自照燭

送吳鞠田之雲和廣文任

幾年京國滯修翰鄉味輸君苜蓿盤五斗終慙吾道貴  
一壺還戀舊時寒儘容薄俸供狂飲猶有貧交羨熱官  
此去綠波亭外路好扶杖履看巉岼

送翟晴江南歸

科名入手歸計足天遣著書成此翁檀弓兩卷言物始

晴江所著  
有通俗編

幽風七月歌田功

詩稿多及  
田家事

沙村十里五里

路秋思一橋一水中幽人樂事不可數冥冥我羨南飛

鴻

同人集孟岑秋園迎秋分韻

秋來如有約一夜雨聲中涼意收殘暑孤懷託晚風去  
人如落葉有客羨飛鴻孟岑時有假歸之意名字閒園好清吟思  
不窮

孟岑寓園雜咏

秋園

溽暑猶未闌一夕灑涼露茲園何清曠秋氣獨紛聚主  
人休沐暇蕭然謝塵務披襟延好風日涉自成趣殘蟬  
咽哀絃征鴈落危柱切切蛩訴幽皦皦月流素平生感

孤羈託興往來屢未工宋玉悲聊爲庾信賦

值石軒

客來本如寄相遇此突兀冷笑顛米顛終朝具袍笏

掃葉逕

一逕紛不掃啼螳何處鯀江南秋漸老黃葉自成村

雙梧亭

路轉深深見亭虛面面明恠來愁思劇頭上是秋聲

半廊

逶迤步前楹且從性所玩空廊亦何有風月平分半

桐



閉門三日雨如絲多在君家百尺枝二十五聲秋點裏  
夢殘添得幾番詩

槐

午餘風靜不生埃綠暗空庭一樹槐畢竟爲渠忙未了  
可知我亦夢中來

榆

隱隱光生淨碧天一蟬吟處樹陰圓沈郎此日無情思  
不辦花時買笑錢

合歡

棗花開後合歡開贏得佳名暢好懷重向景純疏艸木

知時合配守宮槐

題高鐵嶺指畫寒枝蹲雀

古來畫師多用筆以指運筆神妙別不聞善畫但使指  
筆意都從指間出指膚作葉甲作榦鐵嶺之畫亦如鐵  
上有寒禽更絕奇踏枝枝重勢欲折圓睛仰視翹毛拳  
似帶霜風吹凜慄柘枝棘雀何足云一指辟易黃與薛  
世間妙技不可知非指喻指乃無匹君不見張顛醉墨  
濡以頭又不見郭熙手搶凹凸成林正試並他年作神  
物莫汙桓元寒具油

新竹生筍柬孟岑

昨朝雨洗土花破忽見數枝石角斜纖纖瘦似棗核筆  
戢戢短於蘆荻芽教護預防兒輩覺走報輒向詩人誇  
誠齋自具看筍句對此滿啜吳興茶

題朱某相馬圖

驂騮凋喪病不肥俗馬多肉亦見嗤馬肥馬瘦兩無準  
杜陵之語吾疑之世間萬事盡如此何況凡眼顛倒隨  
其私卽今苑廐皆驚下安得渥洼萬匹供驅馳嗚呼秦  
牙管青不世有有亦掉首空嗟咨先生真有支遁癖欲  
於衆中求權奇神妙不辨牝與牡皮相一任喧里兒豈  
不知龍鬣鳳臆乃是紙上語畫馬相馬聊自怡

送孟岑假歸蕪湖

軟紅何日息塵機看子朝衣換芟衣蕭十豈因郎省久

阮生端爲步兵歸山頭築室邀空翠

蕪湖赭山有滴翠軒黃涪翁讀書處

也江上然犀照斷磯便有秋園畱不得霜鴻只愛向南

飛

相逢衮衮意如何知己天涯一載過偏仄最憐南北巷

寂寥無奈短長歌江湖得句秋逾健李郭同舟興轉多

時偕穀原同行

倘憶春明門外客莫教雙鯉隔通波

題汪某喜雨圖

炎官張威旱魃虐高田黃埃下田涸村農踏車肩背焦

白汗不換天一瓢天公亦念民力苦鞭醒癡龍作雲雨  
禾頭一霎青芄芄千畦萬畦歡聲同嗚呼不雨則憂得  
雨喜待得喜時憂欲死焉知十日不愁霖又結秋風茅  
屋心吾曹日盜太倉粟四體不勞慙飽腹看君圖畫重  
嗟咨明日歸來買黃犢

答孫容齋寄懷元韻二首

生平無意逐熊魚自分才華百不如杜甫祇慙朋友問  
嵇康久缺報酬書秋風茅屋成前夢夜雨春明感獨居  
莫怪頻年疏懶甚敢忘世外舊樵漁

千里詩筒三尺魚故人情誼復誰如料因磊塊頻澆酒

步齋集卷一  
不爲窮愁亦著書門外解嘲多弟子室中靜對老田居  
語君莫作升沈看小住還同背水漁

葉函齋自粵被議來京見示書懷一絕依韻和之  
未許官身逐夢闌又從塵海走漫漫相逢一笑丹陽尹  
贏得檳榔貯滿盤

答陳寶所戲簡之作

三年塵榻伴低迷愛聽寒城午夜雞未免怨他林處士  
梅花冷淡作山妻

尊前也負十年狂絲竹終嫌樂事妨莫倚閒情賦長笛  
吳兒木石是心腸

寶所以木瓜詩見示戲柬一絕

風人詩句賦偏工  
酸楚何曾到客衷  
一沐正須閒五日  
消他泥粉午窗中

題陸氏寒山舊廬圖用龍眠張相國元韻二首

廿年飲谷復栖工  
老輩風騷繼陸游  
隱跡幾曾妨入市  
仙家多半好居樓  
人從樹杪依微見  
泉帶潮聲斷續流  
撩我披圖鄉思切  
年年南望白雲愁

摩空三字壓嵌正

石壁有來鳳岡三字明馬三才書

相國題詩當紀游

負郭且營五畝宅  
依山還起一層樓  
西園風雅徵嘉集  
南渡鯨華付逝流  
莫上最高亭子望  
雲煙過眼惹詩愁

相傳韓平原  
南園故址

又一首

物外逃名謝蟻工巖林結架愛栖游四圍寒壁青排闥  
一髮春江白到樓夢裏玉瀾慳句和用宋童時曲水記  
觴流毀茶早著高人論宵惹山靈猿鶴愁主人芑洲先生不飲茶

寶所復翻用林逋事成二絕句見戲余亦舉古人  
事戲答之

杜陵詩老泛清江畫舫當年意亦狂若果青霄屬眉鬢  
也應拚學野鴛鴦

老鐵中年絲竹情晚從釋子懺前因須知一曲梅花弄



己戴華陽作道人

臘八日謝金圃吳雙溪王西莊陳寶所過翻韞庵  
同禮明吳彬畫達摩像設粥作供限五古

佛粥憶去年諸天滿丈室

去年子在病中

今年屆浴佛行止各

相失

謂穀原耦堂

障壁猶朋箋良會等一瞥顧我歲晚意愛

結舊日緣客來笑相詰無乃杜撰禪我言慧業人口業  
戒所先不聞西來意眞宰寧言詮試展玉畫叉共禮金  
粟影半搭僧伽梨面若古井冷想見少林寺隻履到定  
境咄嗟治饌具寶几陳羅閣有客工說餅而我慙煮沙  
噉罷各起立合十人無譁聽說四句偈懺除入淨界豈

知解脫相已落文字械一笑呈佛前代佛說是我請自  
今日始蒲褐各靜坐此義如果然佛亦無不可

徐柳樊餉盆梅哈密瓜各報以謝

三年不見林處士夢到西湖湖上寺何來熨眼兩橫枝  
絕似故人瘦硬意莫嫌屈折盆盎中唐花多少慙春風  
門前軟紅汙不得歲晚與爾心期同

大官掌瓜供尚方明駝萬里來燉煌天山雪重不受凍  
破臍削出金鵝肪野人畜眼那見此取大空教羞入市  
未曾漬口心骨清知我病饑徐孺子

除夕前一日同人集金圃聽鐘山房

城西故人好此日愜招尋軟火蹉跎意疏鐘寂歷心貧  
交宜歲晚春事與杯深時已立春預約聯歸轄商量更苦吟  
是日與寶所同車而歸

除夕用東坡守歲韻

終歲苦擾擾毒睡心中蛇人自不見耳有如一葉遮今  
夕幸粗了守歲誠云何南隣與北里我以靜待譁既乏  
好詩祭亦厭殘更過撥爐軟火紅困臥隨欹斜我心本  
無歲胡爲悲蹉跎歲去旣不悲歲來猶足誇

題明楊忠愍公手書疏稿後用東坡挽韓康公三  
首韻

世廟籌邊日杼忠獨小臣淒涼遷狄道感泣動番人塞  
上終歸馬天邊再挂紳餘生眞不啻寧忍負斯民

寵燄權門熾誰明罪與勳公平眞許國死矣不忘君廿  
字畱孤憤千言掃亂氛當年心跡在如對讀彈文

可憐焚草意東市已成塵血灑萋苶碧魂依杜宇春鴻  
毛言豈愧蛇膽色徒新凜凜諸孫舊遺悲爲拭巾

題嘉善丁氏黃梅花圖用東坡螭梅一首贈趙景

貺韻

香湖老本黃梅花倔彊下覆山人家國初以來剩枯螭  
猶指嘉熙舊時物

樹爲宋理宗時丁氏所植

誰其手植我未知品題

競說倪楊詩

元雲林鐵崖並有題咏

又聞香光妙繪傳後葉作記

徵君稱兩絕

明思翁作圖眉公作記尚存

至今遺跡摧屋山蘆

塘一片空阡眠花身畫本各化去董家重續無聲句

爲今

少司空董公補圖

嗚呼靈和殿外當年人風流不墜如此君君

家文采世清越叅得黃梅卽衣盞

### 題柳谿漁隱圖

溪光輕漾縠紋重何處泠泠下釣筒遮斷紅衣人不見

萬條烟裏一絲風

筆牀茶竈先生宅流水桃花隱士詞儂亦柳絲鄉畔住

擡竿輪與老漁師

題杉亭覓句圖卽送其歸江寧

亭角閒披兩袖風分明居士畫圖中

何人畫出陳居士亭角尋詩兩袖風

陳簡齋句何曾苦思緣詩瘦却笑山頭戴笠翁

相遇天涯落拓人春風別緒一番新帽箱剝盡金簷敝  
只有詩情買不貧

施石泉字來索題聽蕉圖寄以三絕句

艸堂屐齒幾經過一片清陰覆綠莎不種梧桐種蕉葉  
芭蕉葉大得秋多

故人書法瘦通神此是羊家白練裙珍重蕭蕭窗外意  
莫貪勻滑破斜紋

燕市塵沙愧薄游  
每逢大謝豁鄉愁  
不知舊雨連牀雨  
一夜都來葉上不

自君之出矣

自君之出矣幾度換春衣  
思君如杜宇啼殺不如歸  
自君之出矣凝望月華圓  
思君如楊柳三起復三眠  
自君之出矣親見去舟還  
思君如柔櫓搖不到榆關

買垂柳二株植齋前

紅杏香銷久不支  
青棠花落最相思  
去春所植二樹皆萎  
阿儂未會春愁意  
又買楊枝與柳枝

七尺柔條踈地垂  
一分剛綻二分絲  
長安陌上東風淺

吹過清明綠未知

玉湖東畔漫黃塵一度關山笛裏新  
空怨垂楊管離別  
天涯多少未歸人

乙亥三月三日同謝東君金圃施耦堂陳寶所冲  
泉弟城東脩禊訪馮相國萬柳堂故址用少陵麗  
人行首句分韻得三字

春烟漠漠春風酣榆莢雨妬天蔚藍青鞵閒殺正無賴  
忽然西嶺吹晴嵐雨師爲試蠲袂意速我雙轂城東南  
郭門一帶淨埃塽麴塵絲細波光涵板橋人影鳬羣亂  
鼓祠村賽輪蹄參風光已過百六節上河仿佛圖中諳



我聞燕北競元已射棚走馬羣兒愁握蘭采艾此遺意  
故事誰詢郊與明江鄉是時好天氣栗畱聲裏催眠蠶  
長安游陌苦馳逐且撥塵障窮幽探徑回頗訝人跡少  
但聞耳畔鐘聲鎗掉頭頓失輦紅路僕夫指點居潭潭  
壞牆土塹春無主山桃不言花吐含賜書樓荒蟲網漫  
拍城水漲魚牀渰空堂萬柳劫灰盡髡枝舞處猶鬢鬢  
從來舊物易零落少陵愁絕江邊柙百年絲竹杳難覓  
殘山剩水開僧龕僧雛童駭不解事此情却共何人談  
憶昔朱老禊堂飲

謂竹垞先生

於此結侶停篋籃園亭再過

已蔓艸我生况晚胡能堪斜陽寂寞歸意動沿緣徑策

來時驂趁墟人去仙觀閉水邊花外心彌貪蘭亭觴咏  
感陳迹我亦俛仰生憂悵鼠鬚筆禿繭紙蝕生平三十  
空餘三右軍年三十  
三作蘭亭序韶華冉冉不可駐曲池一度春將  
婪他時更約出郊去餞春綠酒攜盈甌

瓶中芍藥和寶所韻

壓擔濃香趁曉陰看花又老蝶蜂心憑燒活火扶春起  
多注清泉到夜深簾外新晴光不定風前初翦力難任  
絕憐一段將離意費我吟懷幾日尋

時舍弟將  
之官蜀中

獨樹軒爲寶所作

獨樹軒前樹不死八千春秋爲終始高逾百尺大十圍

直聳孤根謝旁倚皮皴不受蟲蟻侵巢壞時看鸛鵲徙  
主人於此開書堂斑管桃笙白桐几有時剝啄不到門  
對論猶疑阮生似我來六月暑正煩青蓋童童淨于洗  
昔人手植幾歲年太息摩挲伸短紙君不聞獨樹衆始  
奇又不聞獨樹不林衆所毀奇者護之如室芝毀者棄  
之若園杞一奇一毀樹亦危人情反復分嗔喜漆園之  
喻何拘墟材與不材其遇耳不然此非擁腫材而又不  
生巖谷裏胡爲乎華屋山丘凡幾更爾獨巋然長若此  
嗚呼吾願爾樹爲獨立不懼之君子德怨相尋亦常理  
沖泉弟改任黔陽同人各賦秋柳五律贈行余亦

繼作蓋古人兄弟之義等於友朋而又重惜其行役其何能已於言

春明門外樹蕭瑟已如斯其奈攀條處猶然對客垂西風湘女浦落日竹王祠無限天涯意銷魂正此時

前指巴南柳黔行秋又殘一官分手易四海託交難

東坡

詩我年二十無朋儔去鴈空餘影栖鳥自耐寒何年聽

當時四海一子由夜雨遲爾復長安

八月二十九日同金圃耦堂寶所冲泉弟食蟬各

賦禁體七律一首

不倩吳孃斫鱸纖近來也學擘團尖

余素不能擘蟹無多客裏

江湖意忽漫尊前風雨兼入手欲誇詩骨健放饒翻覺  
酒杯廉重陽有約提壺去要趁山亭對菊拈

時有陶然亭登高之約

### 送冲泉弟出國門

與君及壯未輕離此日能無淚灑衣揮手始知行役苦  
回頭畢竟宦游非三年我亦匏同繫萬里誰憐鴈獨飛  
莫說歸期渺難定尋常須不祝君歸

寶所約九月二十九日城東看菊先期風雨恐同  
人以此敗意詩來代柬是日忽晴喜和元韻奉答  
檐溜纔收日脚明一槭鄭重續詩盟客能冒雨終殊俗

天爲看花也世情歸路那愁騎馬滑深杯莫惜共茶傾  
余不能飲故云此中未免懷人意正帶霜寒落鴈聲  
謂去秋同舍弟看菊

高氏園看菊四絕句

飄蕭一夜雨餘風剛趁新晴過郭東先問菊花無恙否  
今年秋老薄寒中

鄉心節物菊花時客裏看花每恨遲記得催租人敗意  
風前曾欠一年詩  
去秋約賦詩不果

重堂清絕小廊紆葉葉枝枝態自殊翻笑南村太荒索  
亂頭粗服入時無

衝泥歸去日趨西又向秋堂覓醉題  
是日歸飲獨樹軒我是太

平庵裒客今朝破戒擘團臍

對鏡見白髭有感却寄冲泉

年華三十早衰時若較王郎白已遲

王彪之年  
二十白頭  
恠爾緇

塵枉如許不能染却一莖絲

西風憔悴不堪論鏡裏相看憶弟昆  
絕似行人馬頭柳  
無多絲又著霜痕

翟錢江以詩遺龍井茶一器用東坡和山谷雙井

茶韻爲謝

故人贈茶避俗士故人贈詩勝異書  
自言藏自春雨後  
不肖道路羞明珠詩情茶味清而腴  
枯腸一宿雲煙如

步月集卷一  
問君胡不自煎喫扁舟傲我錢唐湖

時錢江將歸

謝西陳寄惠洞庭碧蘿春茶陳鳴遠製龔春壺

吾聞閔仲叔一片豬肝羞齷齪平生嗜水愛別茶重累  
長鬚寄頻數去年贈我龍湫溪上之新芽千里家山塵  
夢續今年贈我莫釐峰頂之春蘿青筠緘封不盈掬此  
茶自昔知者希精氣不關火焙足蛾眉十五采摘時一  
抹酥胸蒸綠玉穢袿不惜春雨乾滿盞眞成乳花馥佐  
以龔春蓮子壺認是前朝名匠琢蠅頭署款小印蟠如  
錐畫沙鑄在腹此茶此壺兩清絕所得不翅兼隴蜀空  
宵正要壓睡魔瘦骨那愁消肌肉怪君飲水是官聲胡



不暇松聽茶熟自言局束簿書堆嗜好酸鹽許我獨鳴  
呼君非安邑我非閔茶事累人差不俗

鐵畫 并序

蕪湖鐵工湯鵬字天池鍛鐵作草蟲花竹及山  
水屏障精妙不減圖畫山水大幅非積歲月不  
能成其流傳者不過徑尺小景以木範之若琉  
璃屏狀或合四面以成一燈亦名鐵燈每幅數  
金一時爭購之鑪錘之巧前代所未有也湯亡  
十餘年其法不傳今間有效之者已如張銅黃  
錫之失其真矣

石炭千年鬼斧截陽鑪夜鍛飛星裂誰教幻作繞指柔  
巧奪江南鉤鑠筆花枝婀娜花璫瓏并州快翦生春風  
菱叢蓼穗各有態絡絲細捲金鬚重雲匡釦束垂虛壁  
繭紙新糊爛銀白裝成面面光青熒樺燼蘭烟鏽不得  
豪家一笑傾金貲曲屏十二珊網奇前身定是郭鐵子  
近代那數緱冶師采繒易化丹青改此畫錚錚長不毀  
可惜揚鎚柳下人不見模山與範水

子夜歌三首

蕩子不還家所思天一涯盈盈渡頭水瞥見菖蒲花  
郎心如車軸提挈藉爾力妾心如車輪宛轉隨郎側

殘荷瀉涼露驚起鴛鴦眠如何舊時藕不比舊時蓮

題茅鹿門先生誠子書墨跡卷後

有明茅參議文學衆所仰今觀誠子書更識慈惠長稟  
經以治民道莫先教養一從仕學廢簿書空吏鞅先生  
疊疊言明若指其掌至性具悱惻揮灑絕摹仿瘦若枯  
松枝謾謾風雨響又如虬龍形天矯出莽盪心畫繪心  
聲斯人自天壤弓子必爲箕陶家乃有旅豈徒筆墨緣  
直作宰牧榜流傳二百年肅然起遐想

題葉函齋同年得祖塋地記

山川孕靈壤埴分錯茫茫堪輿誰度誰作乃有孝子陟

頻羅庵遺集

卷一

三

巖尋壑思卜宅兆以妥以厝龜未墨食烏未巢幕或吉  
或否上下求索靡有定向徒勞畚鍤施于文孫繼繼繩  
繩卜云其臧不遠耶樊青瑯矯首素威衛垣朱味戢翼  
黑蜺蟠踞沙水縈抱理氣融溫一刹那頃端乾倪坤乃  
知吉壤顯晦有時牛眠鹿起若或覲之人傑效靈以德  
爲基保世滋大發祥在茲胡爲鶻突問青烏師

題盧抱經同年檢書圖

盧郎文史愛芻羅一卷丹鉛費校摩却怪人生眼如月  
看他眉睫太忙何

廟市門攤每駐車十年辛苦俸錢餘而今鶴禁簪毫去

好就 君王乞祕書

天上歸來日過舖  
亂書堆裏足清娛  
不知樺燭燒殘夜  
可倩繚綾半臂無

宿讀攸之尚恨遲  
夜行如我亦堪嗤  
宅時許借春明宅

便擬酬君酒一鴟

時將小宅故云

韋約軒以宣德紙見贈報以明壬子年製赤管筆

一雙成二絕句

感君持贈意如何  
一幅分明似衍波  
却怪韋郎鳳樓手  
夢醒不寫曉寒歌

舍人下直事拈毫爲送文犀與赤刀  
試向景陵譚往事

楮先生是舊朋曹

文犀赤刀並  
管上鐫字

題姚白河客牕聽雨圖

莽莽天涯秋雨餘先生閉戶獨看書今朝門外朝天客  
猶向東家借蹇驢

耳根心地總秋空洗盡東華十丈紅底事評量今舊雨  
青苔原不負詩翁

夜雨三年此地過披圖我更奈愁何移牀莫近梧桐樹  
只恐秋生白髮多

王二癡畫冊雜題

高梧影攢攢長蘿聲燮燮古牆竹色陰瘦石鬼面立中

有苦吟人兩版晝長闔  
羈蟲斷續鳴有若相互答我來  
風雨中虛堂開畫篋  
仰看潑墨雲靜聞打窗葉悲哉秋  
氣涼此景誰與拾

人家茅屋住陂陀  
一磴寒烟鎖碧蘿  
記得春淙亭上坐  
好晴山色雨聲多

三十六雙水鳥一百八箇春禽挂網蒲  
魚港靜棧船楊柳村深

板橋通遠近瓜皮艇任西東  
拍手夕陽歸去鷓鴣認得谿翁

含象鑑歌 并序

唐司馬承禎鑄以進於元宗道藏國字函載含  
象鑑圖經一卷始末甚詳吳郡陸某以五銖之  
直易之都市陸好黃老之學被褐子其自號也  
天台道士蓬萊客倒瀉頑銅鑄月魄金膏一點飛清光  
千歲妖蟄不敢蝕其博五寸厚五分圓規方鼻形象陳  
布列八卦符道真環以雲物兼星辰一十六字小篆銘  
始自天地終百靈誰其得之被褐子曾寫丹經學不死  
市上還將碧眼畱袖中忽訝金波徙揚州水心久淪墜  
此鏡猶邀神物庇可惜當年鑄就時不與開元厭魑魅  
望春宮外禍泉溫蝦蟇化作長虬奔至尊王母不知鑑



寶匣亦被烟塵昏鏡兮鏡兮今將拭汝以龍麟之拂纏  
汝以虹蜺之結盛汝以自然雲霞之囊藉汝以上清飛  
龜之帙藏之幽人白茅室秋老寒空土花活子孫永永  
祓不祥白日青天羣鬼滅莫教展向玉臺前只照星星  
頽上髮

送周篋谷南歸兼懷王五穀原

一載京華住驪駒唱忽頻匆匆偏節序惘惘獨鄉人王謂  
東春信江南早詩情客路新周郎嗜山韭歸及飭盤辛  
此去南湖畔相逢王子猷定知能潦倒要自見窮愁垂  
老江淮跡殘年菽水謀憑君道嵇懶久闕置書郵

送徐七舅氏之官滇南

舅氏尊竊門文采振華冕一宰太行麓再宰祝融嶽當  
官惜循吏臥轡滯遷轉應詔走帝都積資典州選舊  
德蓄民心先聲及遐緬明發不可畱胡以致縉纁

峩峩點蒼山山石秀而理迢迢西洱海洱水清且瀾彈  
琴山水間它時政如此況逢明盛時荒徼同尺咫六  
詔弭烽煙羣蠻秉耒耜眺聽擴見聞風物一何美三刀  
未足云五馬從茲始

北風卷朔雪歲序聿云莫舅氏萬里行言從故鄉路北  
堂問起居西湖供帳具稅駕柳金舒到官榴火吐勝餞

陪京華小子喜抒悵絲管未渠終杯斝莫辭屢能無渭  
陽情慙爲白水賦

題符某小照

涼月在天落葉如雨中有幽人引琴是鼓泠泠十指情  
情四山或曰無弦聲在樹間

玉河柳枝詞

土苑西來接御溝玉泉流出玉河流麴塵絲蘸玻璃影  
只欠江南燕尾舟

葉葉絲絲太有情游塵不動大隄平靈和殿外承恩  
早飛度宮鶯第一聲

上巳風光河水湄  
錫簫畫鼓賽鞦韆  
祠游人拜罷西王母  
要向長隄鬪翠眉

長條舞罷短條迴  
學得宮腰新樣來  
幾處晴烟遮不住  
紅牆金瓦見樓臺

不斷西山十里青  
石橋橋畔映娉婷  
分明天上微垣近  
一路銀沙夾柳星

爭向東風拜舞頻  
六龍此日度龍津  
生來不解銷魂事  
只送鑾輿不送人

題董東山先生霜林夜月圖爲同年邵蔚田作

天寒大野啼霜烏  
霜白于月月有無  
西風颼颼攪林薄

欲脫不脫丹楓孤我疑臨臯路又疑霄上居平生夢游  
曾一到六年衣袂緇塵汙朝來熨眼見此幅天游筆意  
香光樵槎牙樹寫石髮瘦懵懂雲抹山根疎橋邊鏗然  
落清響中有幽人曳杖來于于東陵邵侯靜者徒卷中  
正壑胷中俱扁舟一笑落君手抽身爲謝承明廬自言  
攜此歸亦如袖有湖嗚呼江南山水看不足歸時大好  
肥蕓菰秋江夾岸黃葉晚何必紙墨爲歡娛盆山畫馬  
祇戲耳君不聞東坡之言乎不如持贈臥游客張我素  
壁開清臚不然巧偷豪奪自古有我欲徑啓桓公廚作  
歌遺君君且去夕陽一逕空烟蕪

後鐵畫歌

君不見蕪湖有湯鵬一生不曉畫家畫但能驅使鐵汁  
鏤鐵英從來頑物出神妙妙處只在鑪錘精陰陽造化  
一大冶山川草木同流型黿脂燒汞現火樹鸞血膠綴  
成金莖意匠直欲貌水墨人間不許誇丹青嗚呼胡不  
鑄鼎圖寫神姦形又胡不鼓劍去斬蛟龍腥却窮歲月  
事摹繪百鍊要與九朽爭傳聞鍛黿隣畫室畫師激之  
意不平閉門落想敲鏗錚妙技一出千緡輕至今畫手  
排浮萍鐵畫獨有湯鵬名仙人化去神龍迎三十六冶  
皆不靈此技亦可喻至學研穿鐵杵吾儒硯我今頑鈍

不受點乃欲白戰輒共詩人鳴舉似鐵君足一笑且與  
它日好事供譏評

王東白送佛手柑

閉門一雨阻幽尋分我閩甘摘滿林鼻觀妙叅香色味  
指輪新徹去來今夢回午枕煎茶後秋老虛堂學佛心  
珍重開筒無以報冷金殘帖仿來禽

丙子除夕雜詩十首次施耦堂韻

一踏紅塵笑向西天涯餞歲劇淒迷誰教冷暖隨梁燕  
自覺閒忙類穉雞米粿煤逋差少累桃人畫虎總無稽  
空堂剔盡銀臺焰且莫虛拋此日題

萬里黔陽一鴈孤殷勤相誠說廉夫循聲賴有長頭弟

新樣真慚歛手徒

舍弟書來  
屢索予書

櫪馬林鴉何寂寞池塘園

柳乍模糊前時記得連牀約吟遍銷寒九九圖

不住飛光管送迎蟲雷幾處達重城詩無可祭空餘酒  
刺不輕投怕易名臘鼓罷敲春已老朝衣催著夢難成  
無端引我江南思恰恰宮鶯第一聲

近局無須折柬通不堪人意各西東匆匆燈火傳杯夜  
冉冉秦吳別夢中世路榮枯分黑白年時兒女鬪青紅

試教舉似天涯客萬事還應一笑同

時陳芳林吳權之  
寓敝齋陳將歸吳

門吳則之  
官秦中



大海周旋倦整冠笑它裘馬自游盤愁當此夕轉無盡  
春到今年何太寒研北圍爐分張王門東撚粉作團圓  
生平心跡條冰似須稱頭銜七品官

且喜桃符換節遲不然已過落梅期當筵畫燭宜輕惜  
入手空杯笑誤持好事也脩初歲會苦吟不辦早朝詩  
一重簾外春風惡好護丁香最嫩枝

歲晚懷人奈夕陽忽傳書到話溫涼南湖春信雙魚活

三輔官聲早薤香

適王穀原書來道歲暮近况周西陳亦遣送韭芽

奉母安仁

空作令賣文司馬恥爲郎不須抵死頻搔首祇竿東風

醉一場

幾度春筵缺薦甘童心猶在夢飴含吾家詩是襄陽杜  
人說官仍太史談孤露半生纔識母蕭條兩世不宜男  
從今長祝翁強健白髮扶鳩笑語堪

燈前漫寫貝多經

時爲范子景陳寫遺教經一卷

不覺疏檐冰柱零

雪放遲纔見白唐花開了也舒青百年可奈駒騰隙兩  
手難遮鵲在餅我已春秋三二過那關愁絕始星星

長安節物一年年轉眼風光上合蟬

見乾淳歲時記

豪客莫誇

傳座酒寒家猶貯隔春泉

每歲夏秋蓄雨水數  
舊以供一年茶事

不干我

事空游脚略與君同是瘦肩慙愧西山押彊韻客中三

見歲除篇

贈孫三柳樊五十韻

我初未識君誦君文字工我年未弱冠君騁文場雄獨  
出抗老輩造語驚盲聾平生嘔心苦坐使二豎攻一年  
嬰藥餌局縮枯僧慵或疑君且死養嗣逾高冲卯年領  
鄉薦猥及吳下蒙回顧珠玉側所愧糠粃同識君自此  
始小異羣賢中市上一邂逅談笑罄昔悰知我寡所諧  
爲隣意彌重君旣卜遷居我西君在東隔離飲可喚鑿  
壁光能通相攜驂之靳相覓駟與蛩有時連苦韻刻燭  
損半紅有時析疑義攻擊如撞鐘或鑒杯酒戰或鬪談  
諧鋒排闥忌關白觸屏疲僕僮是時同年友乃君南巷

翁一榻就我館詩律吾輩宗兩君踏槐花我亦隨春風  
再戰各再北聚比浮萍蹤嗟我本頽惰畏入人海叢已  
輪千里志猶幸三徑從無何 大典舉下 詔搜蒿蓬  
策驢長安道爾我皆焦桐旣復被斥落亦豈分蛇龍後  
來我獨畱君去追冥鴻未須較得失彌自慙遭逢距今  
已六載國賓已再充奈何久蹭蹬寂寂同凡庸看君豪  
氣在往往吐長虹一揮數千字一飲三百鍾雖抱荆玉  
泣豈終轍鮒窮天公眞薄相故意相磨礱三折見良醫  
百戰成將功人生天地間萬事皆夢夢毀譽任鳧乙爭  
逐嗤雞蟲譬彼照海珠網目遺疏空一朝聲輝赫詎止

登南宮齒牙旣未豁頭顱猶未童底用意慘愴甘作澗  
底松今君且歸去觸熱買庠篷別筵難袞袞揮手何匆  
匆定知此去樂踏徧湖西峰芒屨與竹杖春鷗兼秋菴  
所樂旣無量所得亦已豐不見騎馬客兩脚黃埃封寧  
不懷故鄉魚池鳥在籠願言寄良友一洗魄壘胸

題紅橋泛宅圖送傅雨田游揚州

買得烏篷且浪游飄飄天外一沙鷗不須更跨揚州鶴  
也省辛勤爲鶴謀

流水生涯未覺空濁醪事業更誰同明朝一舸蕪城去  
多少鷺花屬寓公

君家茗雪舊苔磯  
菱葉菱花筍蕨肥  
漫說甘橋明月好  
斜風細雨莫忘歸

題王禮堂同年西莊課耕圖

西莊在婁江之吳塘與王太常西田相隣故用  
梅村集中西田雜興韻四首

黑頭蕭散宦情稀  
苦憶吳塘白版扉  
半頃秫堪耕栗里  
一間屋好住王微  
門連曲岸平田近  
江接孤村亂水圍  
只恐故園歸未得  
滿犁春雨鏽苔衣

流水縱橫塵土稀  
板橋一徑卽林扉  
東屯西崦經行慣  
策額犁梢檢校微  
泥飲每逢田父社  
踏歌長入野人圍

羨它陌上陰陰柳正試風前白袷衣

憑君指點說依稀別墅幽莊恰對扉前後風流二王在  
吾曹事業一鐮微蓴鱸此日勞清夢桑柘年來長舊圍  
爲語耕氓莫相狎綠蓑今已換朝衣

風景村塍別後稀六年我亦阻蓬扉知田自古人猶少  
識字當時計已微江水分明前約在艸堂孤負好山圍  
何緣畫裏從頭見笑向緇塵拂素衣

送王東白之蜀丞任

薊門風雪壓盤鵬兀立雙輪馬力驕今日送君鈴馱響  
依稀已是棧雲遙

潮向江陵接兩川山從隴坂入千盤語君莫漫嗟卑吏  
直道無憂行路難

風格江湖載酒詞鶯花海裏譜烏絲他時琢箇燕支板  
自教巴童唱竹枝

客裏時逢杯酒狂看花人去碧雞坊明年三月城西路  
一度懷人是海棠

君寓憫忠寺側寺海棠最盛故云

四友詩次吳杉亭韻

憐君獨抱歲寒姿一跌終嫌在井眉可許鞭鸞仙是散  
果然磨蝎命多奇塞翁駿馬渾閒事商婦琵琶總費詞  
贏得東坡春睡美多生解脫裏蠶絲



幽栖地僻少沿緣見爾真令鄙吝捐棋局肯同殘客賭  
食經要共細君編猖狂酒態無虛日落拓官身又一年  
堪笑空囊羞澀甚春來猶費買書錢

踪跡如君豈暫違東頭竹篠最情依年來紅藥多題句  
眼底黃塵未換衣不信仙源迷問渡肯從岐路覓支機  
而今博得豪情在兩度春筵看醉歸

平生只覺俗交輕江左韋郎舊識名詩派五言真刺史  
中年一賦卽蘭成讀書事業青山在選佛情懷白晝清  
憶爾衝寒簪筆去西山多處寫時晴

題寶所齋中墨梅小幅

上有水蓮先生題絕句云白眼看人無罪過梅  
花樓上一詩翁先生余外舅也其高世遺俗方  
之林逋無多讓焉今風流歇絕已十餘年而生  
平撰述復以刊校未成卒燬于火此遺墨數行  
殆如片鱗寸甲渺乎罕覯矣因感成二十八字  
題于左方時乾隆丙子八月五日

墨痕題處冷烟橫腸斷西湖處士名牘有梅花話疇昔  
廿年慙負是冰清

秋圃雜咏同人集聽鐘山房分賦

白花何淡淡紫花何離離晚花角上總早花眉下垂一

番涼露泣幾點疏雨肥生香傷籬落風味野老知我來  
棚底坐散髮斜陽時似聞絡緯語爲我寫鄉思

豆花

秋曉星未收光景淨於洗小草澹衆芳延緣青竹尾圓  
摺皺欲舒一碧翦天水惜哉抱弱質開落朝槿似爲語  
牽蘿人莫采此花藥采遲色不如采早露如許

叶虛里切本易

林牽  
牛花

昔人疏草木或云是蒲盧低傍青豆架高綴碧玉壺犀  
老腹則堅斷取霜寒初小可供几案大可浮江湖所以  
王元禮愛玩常區區詩成在一擲我愧非其徒

葫蘆

吾弟讀書處青乳顏其屋宿土埋深根蟠屈纔一束方

春引龍鬚怒走漲天綠漸看瓔珞垂却喜珠露沃顆綻  
不容排色淨似可漉遠人憶此無悔不涼州牧

蒲桃

烏桺出吾家八稜端不頗竭來燕市游始信此說果未  
須槁植置便以華副可秋初青乍烘霜後黃更彈冷逾  
甘露聚滑比圓梨顆判盡一斛奩不畏雙螯禍

予不喜食蟹故

林云

沙壠寬作畦香苗自成畝年年秋社前磊落分子母黃  
割朶朶雲紅茁纖纖手是時飽霜螯到處鳴茶臼園官  
吾故人分致意則厚我欲貯餅罍歸而謀諸婦

薑

蔬中有來服是處種不乏尤宜出沙壤脆玉不勝掐北

人麥爲飯炎毒苦難戢生噉勝梨頭涼冷沁肺葉園丁  
資地利街市肩擔壓不見王爽兒千緡易宦業

蘿蔔

野露滴秋根斜陽淡籬脚小蝶弄金黃孤影逐飛穉我  
疑楚客魂來餐菊英落不然漆園叟一醒春夢昨陌上  
曾幾時涼暖各有託可憐倦游人天涯自漂泊

蝶

唧唧復唧唧斷續聲淒清胡爲戀離落冒此風露零人  
生感羈孤身口無時寧之蟲又何知乃識悲秋情物理  
不可解悵望秋冥冥吾方索苦語欲和寒蛩鳴

蟲聲